



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77 հեռ. 010 51-29-53 էլ. hsaugt patrol-service@police.am

N 91/6126

< 19 > 09 2022թ.

Խաչատուր Նալբանդյանին
Հասցե՝ ք. Երևան, Հր. Քոչար 22 շ. 13 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180108860 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<3>> թերթ:

**Պետ,
ոստիկանության գնդապետ՝**

Ա. Ունրշատյան

Կատարող՝ Ս. Պետրոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 15.03.2022թ-ին կայացված 8180108860 որոշումն անփոփոխ, իսկ վարչական բողոքն առանց բավարարման թողնելու մասին

<<18>> 04 2022թ.

ք.Երևան

Պարեկային ծառայության պետ, ոստիկանության գնդապետ Ա. ՌԻճԻՅԱՆԻ, վերանայելով Խաչատուր Նալբանդյանի 17.03.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

15.03.2022թ. ժամը 14:00-ի սահմաններում Երևան քաղաքի Դավիթ Անհաղթ փողոցում քաղաքացի Խաչատուր Նալբանդյանի վարած <<Տոյոտա>> մակնիշի 37 LN 816 հաշվառման համարանիշի տրանսպորտային միջոցը հետիոտնային անցման վրա կանգնեցնելու փաստը հայտնաբերվել է պարեկային ծառայության Երևան քաղաքի գնդի 1-ին գումարտակի 3-րդ վաշտի պարեկ Էմիլ Իսկանդարյանի կողմից:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 26-րդ մասի համաձայն, կայացվել է որոշում՝ վերջինիս 15.000 ՀՀ դրամի չափով տուգանելու մասին:

17.03.2022թ.-ին Պարեկային ծառայություն ստացված դիմումով Խաչատուր Նալբանդյանը խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 15.03.2022թ. կայացված 8180108860 որոշումը՝ նշելով, որ հետիոտնային անցումը գործող չէր:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 15.03.2022թ-ին կայացված 8180108860 որոշումը ենթակա է կատարման հետևյալ պատճառաբանությամբ.

Քաղաքացի Խաչատուր Նալբանդյանին ուղարկվել է ծանուցում վերադասության կարգով բողոքարկման արդյունքում հարուցված վարչական վարույթի գործի քննությանը մասնակցելու համար, սակայն վերջինս չի ներկայացել գործի քննությանը:

Պարեկային ծառայության ծառայող պարեկ Էմիլ Իսկանդարյանի կողմից տրված բացատրության համաձայն՝ քաղաքացի Խաչատուր Նալբանդյանի վարած տրանսպորտային միջոցը Դավիթ Անհաղթ փողոցում կանգնեցված է եղել հետիոտնային անցման վրա, իրավախախտումը եղել է ակնհայտ և պարզ տեսանելի, ինչի հետևանքով կազմվել է համապատասխան արձանագրություն և կայացվել թիվ 8180108860 որոշումը՝ Խ. Նալբանդյանին 15.000 դրամ տուգանելու մասին: Պարեկային ծառայողը տրամադրել է նաև իրավախախտումը հիմնավորող լուսանկարներ:

<<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ցանկը հաստատելու մասին>> ՀՀ կառավարության 28.06.2007թ.-ի թիվ 955-Ն որոշման 84-րդ կետի 4-րդ ենթակետի համաձայն՝ կանգառն արգելվում է հետիոտնային անցումների վրա և մինչև 5 մ դրանցից առաջ:

<<Ճանապարհային երթևեկության անվտանգության ապահովման մասին>> ՀՀ օրենքի 2-րդ հոդվածի համաձայն՝ հետիոտնային անցումը ճանապարհային նշաններով և (կամ) գծանշումներով նշված և օրենսդրությամբ սահմանված կարգով հետիոտների տեղաշարժվելու համար նախատեսված երթևեկելի մասի առանձնացված հատված է:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 26-րդ մասի համաձայն՝ տրանսպորտային միջոցների վարորդների կողմից տրանսպորտային միջոցը հետիոտնային անցման վրա կանգնեցնելը՝ առաջացնում է տուգանքի նշանակում՝ սահմանված նվազագույն աշխատավարձի տասնհինգապատիկի չափով:

Դիմողի կողմից կատարված վարչական իրավախախտման վերաբերյալ կազմված արձանագրության և կայացված թիվ 8180108860 որոշման ուսումնասիրությամբ պարզվել է, որ դրանք համապատասխանում են <<Վարչական իրավախախտումների վերաբերյալ>> ՀՀ օրենսգրքի 255-րդ և 281-րդ հոդվածներով նախատեսված՝ վարչական իրավախախտման վերաբերյալ արձանագրությանը և վարչական իրավախախտման գործի վերաբերյալ որոշմանը ներկայացվող պահանջներին:

Հաշվի առնելով վերոգրյալը և համադրելով գործում առկա ապացույցները՝ գտնում են, որ դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 26-րդ մասի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով՝

ՈՐՈՇԵՑԻ

1. Պարեկային ծառայության վարչական իրավախախտման վերաբերյալ գործով 15.03.2022թ. կայացված 8180108860 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Երևան քաղաքի գլուխ:

Պետ,
Ոստիկանության գնդապետ՝



Ս. Ումրաշյան